

Gou Swiq Din Hawj Daxmeh

□Gveigangj Si Cinzdangz Gih Mungzgungh Cin Cunghsinh Siujyoz Liuyui Gyauyozdenj Ngeih (1) Ban Veiz Hau / 韦浩



Daxmeh mboengq neix nyaengq sou haeuxyangz、maenzfaex、oij…… naetnaiq lai lo. Haemhneix, gou siengj bang daxmeh swiq baez din ndeu, neix dwg gou baez daih'it bang daxmeh swiq din.

Gou rag fwngz daxmeh, naeuz: “Meh ha, cingj mwngz naengh roengzdaeuj, haemhneix gou yaek hawj mwngz angq baez ndeu.” Daxmeh ngeizvaeg dwk cam: “Gijmaz angq baez ndeu ha?” Gou naeuz: “Mwngz naengh gonq, yaep ndeu couh rox lo.” Gou sien daek bat raemxraeuj ndeu daeuj, caiq menhmenh cuengq din daxmeh roengz ndaw bat bae, baez di

baez di swiq. Sien swiq lwgdin, caiq fou najdin. Seizde, daxmeh raemxda conh ndik roengzdaeuj lo, lumh aen gyaueuj gou naeuz: “Daeglwg gou maj hung lo.” Gou dingqnyi gij vah daxmeh angq raixcaix. Daxmeh hix ndaengmoj dwk riu lo. Mbouj geij nanz, din daxmeh couh swiq ndei lo, gou aeu sujbaq uet din daxmeh. Lumh gij din daxmeh, gou cij raen cik din daxmeh gaeng dawz daw, din de cocatcat, baenzneix byombyetbyet, lwgda gou nyinhcumx lo.

Daxmeh, mwngz dwgrengz la! Gvaqlaeng, gou lij yaek swiq din hawj mwngz.

我给妈妈洗脚

妈妈最近忙着收玉米、木薯、甘蔗……太累了。今晚,我想给妈妈洗一次脚,这是我第一次给妈妈洗脚。

我拉着妈妈的手说:“妈妈,请您坐下,今晚我要给您一个惊喜。”妈妈疑惑地问:“什么惊喜呀?”我说:“您先坐着,一会儿就知道了。”我先打来一盆温水,再把妈妈的脚轻轻地放在盆里,一点一点地洗。先洗脚趾缝,然后搓一搓脚面。这时,妈妈眼睛里闪烁着晶莹的泪花,抚摸着我的头说:“我们家的孩子长大了。”我听到妈妈的话开心极了。妈妈也露出了自豪的笑容。不一会儿,妈妈的脚就洗好了,我拿起毛巾给妈妈擦脚。摸着妈妈的脚,我才发现妈妈的脚上已经布满了厚厚的茧,她的脚那么粗糙,那么瘦小,我的眼睛湿润了。

妈妈,您辛苦了!以后,我还要给您洗脚。
(lauxsae son raiz:Cinz Haijyangz Cinz Hungzgiuz / 指导老师:覃海洋 覃洪球)

Saek Seizcou

□Gveigangj Si Cinzdangz Gih Mungzgungh Cin Yinghgoz Gyauyozdenj Seiq (1) Ban Luz Gizgiz / 陆琪琪

Seizcou dwg fuk veh gyaundeis ndeu, dauqcawq cungj dwg saek lai cungj lai yiengh.

Seizcou dwg saek henjgim. Ndaw doenghnaz, gohaeux henj-rwdrwd riu ndaej hwet cungj gungj lo, lumj coh vunz baijyienj gij sim-angq fungsou de. Raq rumzcou ci gvaqdaeuj, ndaw doenghnaz youh nyoengx hwnj langh saekgim. Ndaw suenmak, gij makgam henjrwgrwg haenx venj rim gwnz nye, couh lumj baenz aen baenz aen daengloengz iq nei. Gyoengq daxlungz guhnaz cingq nyaengq mbaet lwgmak ne, naj riunyum-nyum vuenyungz dangqmaz.

Seizcou dwg saek hoengz. Mbawraeu bienq nding lo, lumj feizmbaw nei dawz yubyub. Muengh bae gizgyae, mbawraeu rim ndoi rim rungh haenx lumj aen haij saekhoengz nei. Ndaw suenmak, makloengzfeiz hoengz-yanyan lumj faj naj gyoengq siuj

baengzyoux hoengzhwdhwd, hawj vunz nyaenx mbouj ndaej siengj haeb gaemz ndeu.

Seizcou dwg saek aeuj. Makit baenz lo, baenz roix baenz roix makit aeujwtwt lumj majnauj nei venj youq gwnz gvaq makit. Youq laj ronghndit ciuq, yapmyig gij rongh wenjmyagmyag.

Seizcou dwg lai saek lai yiengh. Ndaw suenva, gak cungj gak yiengh vagut doxciengj hailangh, miz hoengz, henj、hau、aeuj……lai saek lai yiengh, gyaundeis raixcaix. Gyoengqde miz mbangj lumj dahsau launyaenq nei, dawz faj naj yo ndaw myokva bae; miz mbangj doxceng hai ndaej geizheih doxbeij hai ndaej ronghsien, lumj faj faj naj riu ndaej angqhwtdhwd; miz mbangj lumj caeuq gou guh yahndoj nei, swheij ndoj ndaw caz mbawheu bae.

Gou gyaek cawzcou, gyaek gij saek henjgim de, gyaek gij saek

nding lumj feiz de, engq gyaek gij saek lai cungj lai yiengh de.

秋天的色彩

秋天是一幅美丽的画卷,充满了丰富的色彩。

秋天是金黄色的。稻田里,黄澄澄的稻谷笑弯了腰,仿佛在向人们展示着丰收的喜悦。一阵秋风吹过,稻田里涌起了金色的波浪。果园里,黄澄澄的柑橘挂满了枝头,就像一个个小灯笼。农民伯伯们忙碌地采摘着果实,脸上洋溢着幸福的笑容。

秋天是红色的。枫叶变红了,像一团团燃烧的火焰。远远望去,满山遍野的枫叶就像一片红色的海洋。果园里,红彤彤的火龙果像小朋友们红扑扑的脸蛋,让人忍不住想咬一口。

秋天是紫色的。葡萄成熟了,一串串紫莹莹的葡萄像玛瑙似的挂在葡萄架上。在阳光的照耀下,闪烁着迷人的光芒。

秋天是五彩斑斓的。花园里,各种各样的菊花竞相开放,有红的、黄的、白的、紫的……五颜六色,美丽极了。它们有的像害羞的小姑娘,把整个脸都缩到了花苞里;有的争奇斗艳,像一张张灿烂的笑脸;有的好似在和我捉迷藏,把自己藏在绿叶丛中。

我爱秋天,爱它的金黄,爱它的火红,爱它的紫莹莹,更爱它的五彩斑斓。

(lauxsae son raiz: Cinz Yengin / 指导老师:覃燕金)



Saeh Nyaenq Baez Iq

Ranz yahdaiq gou caeuq diuz dah iq ndeu doxnem, diuz dah neix lumj diuz saibaengz saeq, con gvaq rog doengh ndaw mbanj, daj gizgyae yawj bae, raemx saw doengh heu, lumj fuk doz gig ndei yawj ndeu. Baezbaez ma laeng yahdaiq yawjraen diuz dah iq neix, gou couh siengj daengz gij saeh mwh gou lij iq.

Gou lij iqetet caengz roxsoq seiz, ndaengj dangqmaz, ceiq haengj buet gizneix ndonj gizde, caiq gya meh gou cawx le aen ci niuj ndeu hawj gou, gou gig gyaek aen ci neix, gwih gvaq ngoenz. Yahdaiq caeuq goengda mbouj hawj gou boux ndeu gwih ci ok rog guhcaemz, songde lau gou gag ok

bae miz maz saeh. Sojlaiz mwh gyoengqde baez yaep da mbouj gauej gou ndei, gou couh caeuq gyoengqde guh gaemhndoj, caegcaeg gwih ci doeng buet sae ndonj.

Gou ndaejgeiq baez iq seiz hwngq, mbatmbat cajdaengz yahdaiq caeuq goengda ninzngoenz, gou cix lohndin le, fwngzswix gaem haiz, fwngzgvaz rag ci, menhmenh caegcaeg deuz ok bakdou bae, ndaej ok dou le gou couh lumj duzlingz hauej ndoeng nei, siengj bae gizlawz couh bae gizlawz. Hoeng miz baez ndeu, gou meuz laux doek ringj lo. Gou ngamq caegcaeg ok daengz bakdou yaep he, yahdaiq couh rox lo, de gaem diuz

faexsoux ndeu boenq gou, swenj naeuz: “Mwngz naeuz mbouj dingq ha! Ngoenzneix hawj mwngz rox hit bae cij ndaej!” Gou raen yahdaiq baenzlai yak, doq ndek gouh haiz ndaw fwngz, naengh youq gwnz ci, song diuz ga dinj cengqdaivad aen ci bae vaiq dangqmaz.

Boihseiz lai lo, gou youq giz van loh iq haenx baenq vaiq lai, aen buenz fuengyiengq gaem mbouj maenh, lienz ci daiq vunz sohsoh bongh roengz diuz dah iq henz ranz bae. Mwh doek roengzbae, ndaw uk gou hoengqvangvang, gou hemq gouqmingh hemq mbouj dingz, hix hemq hix deng saekndaek, gwn le

baenz geij gaemz raemxda. “Gouq……” Caiq hemq coenz ndeu, gou caiq gwn le gaemz raemx ndeu. Couh youq bande, yahdaiq song fwngz cuengq lajeiq gou bae, gaenlaeng daj ndaw dah riuq gou hwnjdaeuj. “Ngw’ ngw……” Doek roengz dah bae le, gou lau liux, boemz youq gwnz mbaq yahdaiq daejnga’nga.

Fawh lwgnyez bouxboux, cungj guh gvaq haujlai saeh dwgru, baezbaez siengj daengz gij saeh baez iq, gag raen najnyaenq caeuq ndeiriu.

(Yangz Yinhyiz raiz Veiz Munlingz hoiz)